



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**  
**Ո Ր Ո Շ ՈՒ Մ**

22 դեկտեմբերի 2022 թվականի N 2030-Ա

**ԳՆՄԱՆ ՊԱՅՄԱՆԱԳՐՈՒՄ ՓՈՓՈԽՈՒԹՅՈՒՆ ԿԱՏԱՐԵԼՈՒ  
ԵՎ ԹՈՒՅԼՏՎՈՒԹՅՈՒՆ ՏԱԼՈՒ ՄԱՍԻՆ**

---

Ղեկավարվելով Հայաստանի Հանրապետության կառավարության 2017 թվականի մայիսի 4-ի N 526-Ն որոշման հավելվածի 57-րդ և 57.1-ին կետերով՝ Հայաստանի Հանրապետության կառավարությունը **ո ր ո շ ու մ է.**

1. Թույլատրել Հայաստանի Հանրապետության բարձր տեխնոլոգիական արդյունաբերության նախարարությանը՝

1) Հայաստանի Հանրապետության բարձր տեխնոլոգիական արդյունաբերության նախարարության և «Rohde and Schwarz GmbH Co. KG» ընկերության (այսուհետ՝ կատարող) միջև 2022 թվականի հուլիսի 26-ին կնքված N «ԲՏԱՆ-ԲՄԱՇՁԲ-2022/01» ծածկագրով գնման պայմանագրում (այսուհետ՝ պայմանագիր) կատարել հետևյալ փոփոխությունը՝

ա. պայմանագրով՝ 2022 թվականին նախատեսված (919,734 եվրոյի չափով) աշխատանքների կատարման վերջնաժամկետը երկարաձգել մինչև 2023 թվականի հունվարի 31-ը ներառյալ՝ չկիրառելով Հայաստանի Հանրապետության կառավարության 2017 թվականի մայիսի 4-ի N 526-Ն որոշմամբ հաստատված կարգի 56-րդ կետի 4-րդ ենթակետի պահանջները.

2) 2022 թվականի դեկտեմբերի 11-ից մինչև 2022 թվականի դեկտեմբերի 30-ն ընկած ժամանակահատվածում կասեցնել պայմանագրով սահմանված՝ կատարողի նկատմամբ հաշվարկվող տույժերի հաշվարկը և 2022 թվականի համար նախատեսված աշխատանքների ամբողջական կատարման դեպքում՝ զիջել դրանք:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Ն. ՓԱՇԻՆՅԱՆ

Երևան